

Bookplate inside back cover.

THE EPISTLES OF  
JAMES, PETER ( I & II ), JOHN ( I, II & III ), JUDE  
**IN AO NAGA**

*1st Edition*

1914

*500 Copies*

81188U15/88/11  
Y11-1508-1811



**Made in India**

AO NAGA  
LAISHIBA  
**KAKVT**



BRITISH & FOREIGN BIBLE SOCIETY  
23, CHOWRINGHEE, CALCUTTA

*Price 2 Annas.*

# INDEX

---

	Page
I. Yakobe Ziluba Kakyt ...	1
II. Pitore Myzyng Ziluba Kakyt ...	13
III. Pitore Ziluba Tanabuba Kakyt ...	26
IV. Yohane Myzyng Ziluba Kakyt ...	34
V. Yohane Ziluba Tanabuba Kakyt ...	46
VI. Yohane Ziluba Tasymbuba Kakyt ...	48
VII. Yihudae Ziluba Kakyt ...	50

---

## YAKOBE ZILUBA KAKVŦ.

Iba kakvŧ Yisu tenu, Yakob age zilur. Pa Yirusalem arogo yariba liasy. Mamangbae pa rishikangshir, aseir pa tokolak atang, kechiasyr pae Yisu Krista imscy benshir. Iba kakvŧ amangba Yihuda nunger asoshi zilur. Arogo nungere mamangba Yihuda nunger amato mashilen nung tang jajadage. Iba arogo nunger kyndaktsytsy asoshi iba kakvŧ zilur.

### TAPU KA.

<sup>1</sup> Ni, Yakob, Tsungrem aseir Yisu Krista tenzyker, Israel nunger kidong teri ana bendanger lima nung aliba, parinok ajak asoshi temeim Salaam yoker.

<sup>2</sup> Ky adianu, nenok atitangba aeiga angudangkanga pela liang. <sup>3</sup> Kodang nenoke atitangba jungjunga aremzyker, idangji nenok tescongjem akymtsy, aji nenoke metet. <sup>4</sup> Tescongjem nenok nung sungdakang. Idangji nenok temeshi aseir renemba alitsy, kecha tenungdaktsy malitsy.

<sup>5</sup> Shire shisatsy mali Tsungrem nunge shisatsy mishitsy tim. Tsungreme nenok nung angati agytsytsy, aseir Pae nenok maksy mesydaktsytsy. <sup>6</sup> Saka nenoke Tsungrem nunge langka mishidang iba angu-

tsy amangang, aseir mamange teli. Mamangba nisung tzysem yange aseir wage mopung age aridokba amato. Iba nisung Tsungrem nunge kecha magitsy ata malitsyla. <sup>8</sup> Iba nisunge par temulung teti meyipshir aseir pa teti atitaka lir.

<sup>9</sup> Sensaker adianu pela liang, kechiasyr pae Tsungrem chir akym. <sup>10</sup> Takar adianu pela liang, kechiasyr pa rongsen samadaktsyr, rishikangshiba age pae ajemajema akym. Takar nisung tasytsy, azylaba naro amato. <sup>11</sup> Molo mopung aonba age aseir any apuba age iba naro azyladaktsyr aseir pa tajinytsyba madoktsyr. Takar adianu rongsen toktsytsy aseir pa azylaba naro amae alitsy.

<sup>12</sup> Shire atitangba aremzyker pela liang. Iba nisung zunga bilimba, Tsungreme pa nung tazangzyk, teti takym, agytsytsy. Iba teti takym Tsungrem meimba nung agytsydi ta Tsungreme nangzyk. <sup>13</sup> Kodang nisung nung tatitangba agytsyr, "Ky nung iba tati-tangba Tsungreme agytsy," ta tezymbi. Nisung age Tsungrem tatitangba magytsytet. Tsungreme shinga nung temenen tatitangba magytsyr. <sup>14</sup> Nisung pei temenen temulung age atitangogo aseir mashilene ania aor. Idangji iba tatitangba temenen akymmer, aseir temenenji sungdaktsydang iba nisung akoker teti samadaktsyr. <sup>16</sup> Temeim adianu, shingae nenok tekylakdaktsy. <sup>17</sup> Tajung aseir atangji sempet ajake Anung Tsungrem Tebu nunge arur. Tsungreme memeyipshir, aseir Pa sentsy twangshi teti adoker. <sup>18</sup> Otsy



tajung age Tsungreme onok nung teti takym agytsy, Pa mulung liasy, aseir onok Par myzyng nytsung liasy.

<sup>19</sup> Temeim adianu, ya nenoke metet. Nisung ajake kara kara otsy tajungangashitsy tim. Nisunge tamasa kanga bilimang; aji kelen jung-junga zymbitetsy. Yakte ain tadok. <sup>20</sup> Ain adokba nisung mapa age Tsungrem mulung mechidaktsyr, aseir aji oda Pa mapa atangji meinyaker. <sup>21</sup> Nenoke temenen aseir mashilen nunge tokjang, aseir ajem-ajema temulung nung, alymle agiba otsy tajung tanaben agiang. Iba otsy tajunge nenok tanela kymzyktet. <sup>22</sup> Nenoke otsy tajung angar, saka aji teperi masy. Nenoke otsy tajung ozyng benshitsyla. Nenoke otsy tajung angara-bang aseir pa ozyng mebenshirabang nenoke pei sasa kylaker. <sup>23</sup> Shire otsy tajung angashia ozyng mebenshir tanedangtsy nung reprangba nisung ama. Iba nisung aenshi aodang komama reprangba tejak yakte amatsy. <sup>25</sup> Saka shire otsy tajung nung teti repranger aseir pa ozyng teti benshir, otsy tajung angaba aseir amaba nisung amae masy. Saka Krista imscy benshir, iba nisung nung temoatsyba teti agytsytsy. <sup>26</sup> Shire pei sasa atangji kylymba nisung ta bilimer, saka pei temeli age atangji o myzymbir, pae pei temeli makoker, iba nisung kylymba amajok lir. Pae pei sasa kylaker. <sup>27</sup> Lazar aseir timatymba amitzyr dange nenoke oang, aseir nenoke alima temenen nunge balajang. Iba onok Tsungrem Tebu madang atangji aseir temeshi kylymba lir.

## TAPU ANA.

<sup>1</sup> Ky adianu, nisung ka takar aseir tamarenba asynung iba asoshi nenoke pa akymtsybutsy tenungdaktsy maka. Nisung ka sensaker aseir ajemalur asynung nenoke iba nisung tesempa. Nenoke takar nisung akymtsyburabang aseir sensaker nisung semparabang nenoke Yisu Krista, onok sentsy twangshi Tsungrem, metenzyktet. <sup>2</sup> Nenok sarasadem ki nung takar nisung senti sobutsy teperi aliba aseir sensaker nisung sobutsy makaba, anaprunglae arur sydi. <sup>3</sup> "Menden tajung na asoshi yange lir," nenoke takar nisung dang ashir, sydi. "Noktaka liang mesyra atymnung ky tetsung anasa menang," yamae nenoke sensaker nisung dang ashir, sydi. <sup>4</sup> Iba kanga majung, kechiasyr nenoke adianu ka akymtsybur aseir ka akymmetsybur. Nenok temenen shisatsy age o bendangba akym. <sup>5</sup> Ky temeim adianu, ky o angaang. Rongsen aseir sen makaba nisung Tsungreme shimtetogo. Tamang age takar akymba nisungnym Tsungreme kotakim agytsytsy nangzyk. Tsungrem meimba nisung dang yamae Pae nangzyk. <sup>6</sup> Iba sensaker nisung nenoke maksy kyndaktsy. <sup>7</sup> Takar nisunge nenok rishikangshir, aseir o bendangba madang taei enloktsy no? Koba tenyng age nenok azar, Krista tenyng tajung, parinoke atalar. <sup>8</sup> Nenok kiyonger pei sasa amato meimang. Iba Lai nung ziluba ozyng tajung benshirabang idangji nenoke jung-junga benshidage.

<sup>9</sup> Saka nenoke takar nisung akymtsyburabang aseir sensaker nisung maksydahtsyrabang nenoke temenen benshir aseir iba ozyng raksar. <sup>10</sup> Shire Tsungrem ozyng ajak benshir saka ozyng ka raksar, iba nisung taei lir, aseir pa ozyng ajak raksaba nisung amato.

<sup>11</sup> Tsungreme ashir, "Nenoke nyktapangta tebenshi," aseir Tsungreme ano ashir, "Nenoke nisung tetepset." Nenoke nyktapangta mebenshirabang saka nisung tepsetrabang idangji nenoke Tsungrem ozyng raksar.

<sup>12</sup> Aji oda nenoke o tajung zymbiang aseir mapa atangji inyakang, atangji ozyng age o bendangtsyba nisung amato. Iba o bendangba ozyng nyjiba ozyng ta azar. (Krista nytsunge iba benshinyr aseir shingae parinok iba mebenshidakhtsy.) <sup>13</sup> Nenoke imlibilim melirabang imlibilim makaba o bendangba age nenok dak taei enlokhtsytsy. Kodang temerenshi anguttsy tim imlibilim taoba.

<sup>14</sup> Ky adianu, shire ashir, "Ni tamang lir," saka iba nisunge pa tamang mesayur Krista mapa inyakba age, pa tamang kecha malang, aseir pa tamange pa mykymzyktet. <sup>15</sup> Scy aseir ziunghtsy tenungdakhtsy akaba adianu ka nenok rongnung lir sydi. <sup>16</sup> Nenoke iba nisung dang ashir, "Oang, tesenyp neden liang, aseir na pei sasa asoshi scy aseir ziunghtsy bushiang." Nenoke pa nung yariba magyhtsyrabang, pa nenok o tenungdakhtsy maka. <sup>17</sup> Yamae tamange mapa meinyakdang syr adok aseir malang. (Tamang aseir mapa keleme alitsyla.) <sup>18</sup> Ao, nisung ka ashhtsy, "Nae tamang



lir saka ni mapa jung-junga inyaker." Ni ashitsy, "Idangji na tamang mapa nunge balaba ky dang sayu-ang. Ni ky tamang ky mapa age sayudi." <sup>19</sup> Tsungrem ka dang ta nenoke amanger. Iba atangji lir. Saka temenen tanelae iba yamae amanger aseir aoksar. <sup>20</sup> O meshi-melu nisung, kechiba tamang mapa maliba malangba lir, nae ibae metetnyr asy? <sup>21</sup> Onok kin nunger Abraham indang bilimang. Abrahame Isak pa chir tenladak nung tenlago; aji kelen Tsungreme Abraham dang atangji ta azar, aseir pa nung temoatsyba tulu agytsyogo, kechiasyr Abrahame Tsungrem ozyng benshiogo. <sup>22</sup> Par tamang aseir mapa, anaprun-  
la keleme liasy. Pa tamang pa mapa age sungdak-  
tsyogo. <sup>23</sup> Atalokba Lai o ashir, "Kechiasyr Abra-  
hame Tsungrem aji oda amang, Tsungreme Abraham  
nung temoatsy tulu agytsyogo." Parinoke Abraham  
dang Tsungrem temba ta azar. <sup>24</sup> Mapa aseir tamang  
age nisung atangji akymmer, aseir tamang age dang  
masy. <sup>25</sup> Aji oda Rahab, nyktapangta benshiba tetsy-  
e, tenyartym alymle aene lidaktsy aseir meima tangar  
lene jena yok. Aji mapa tajung age pa atoka, kymzyka  
liasy. <sup>26</sup> Kechi koda tanela makaba temang tasyr, aji  
oda mapa meinyakba tamang tasyr.

## TAPU ASYŲM

<sup>1</sup> Ky adianu, nenok aeigati mesayutetba tesayuba  
akymtsy asoshi temerang. Kechiasyr onok, tesayuba,

tesashiba o age bendangtsytsy. <sup>2</sup> Onok ajake taei ken ken benshir. Shire pei temeli akoker, atangji o teti zymbiba aseir sayuba, iba nisunge pei temang ajak akoktsy aseir temeshi nisung kymtet. <sup>3</sup> Ónoke shikyp lisý qor tebang nung ayur iba qor onok mulung ama benshidaktsytsy asoshi. Shikyp lisý qor tebang nung alinung qor temang ajak onoke meyiptet. <sup>4</sup> Rong tulu indang bilimang. Parinok yipro mopung age aridok saka iba rong tulu tila scong age ani odaktsy. Anishibae tila scong age rong kolene odaktsynyr ilenji meyipdaktsyr. <sup>5</sup> Yamae temeli lir. Temeli kanga tila saka kanga anemsey o zymbir. Reprangang, misem ka age arem tulu rongdaktsytet. <sup>6</sup> Temeli misem ka amato lir. Temenen temeli onok temang temenen mapa benshidaktsytet. Iba temeli temang ajak menendaktsyr. Temenen temeli onok takym samadaktsytet, aseir temenen temeli anishiba Mozing teti lir. <sup>7</sup> Ozy aseir shiruru tapu ajak aseir ango tzyim nung nisunge akok aseir akoktsy. <sup>8</sup> Saka shingae pei temeli teti makoker. Iba temenen temeli kanga tamajung aseir meim mozy age asunger. <sup>9</sup> Temeli age onoke Tsungrem Tebu tenyng asanger, aseir temeli kasa age onoke Tsungrem amato yangluba nisung dak atalar. <sup>10</sup> Temeli ka age onoke asanger aseir atalar. Ky adianu, yamae tim masy. <sup>11</sup> Tsybu ka nunge nenoke tzy tanang aseir taku ana-prungla bena motet sydi. <sup>12</sup> Ky adianu, mungo dong nung mukuri matangtet, aseir chynylashi dong nung

mungo matangtet sydi. Tsybu ka nunge tanang tzy aseir metsy tzy anaprun gla mapoktet.

<sup>13</sup> Nenok rongnung shire shisatsy aeiga aseir tashi temeter lir ? Iba nisung ajem-ajema alitsyla aseir mapa tajung inyakba age pei shisatsy yamae sayutsy tim.

<sup>14</sup> Nenok mokok ajiba aseir rarabangsen aliba nenoke ngasa-ngatym aseir tiyazy tezymbi, aseir yamae Tsungrem otsy tajung dak tatala. <sup>15</sup> Iba shisatsy mokok

ajir, atangji aseir kotak nunge masy saka Mozing nunge lir. <sup>16</sup> Kechisynung rarabangsen aseir mokok ajir lir

idakji tesenyp mali, saka ajak temenen mapa age sunga lir. <sup>17</sup> Tsungrem shisatsy agytsyba tamasa meryk-

meryker aseir idangji tesenyp lir. Iba shisatsy ajem-ajema alibae nisung tajung mapa inyakdaksy aseir

imlibilim kymdaksyr. Nisung iba shisatsy age medemer o medemer na puteper aseir mokok ajiba o

mezymbir. <sup>18</sup> Tezungtepdaksyre tesenyp mapa inyaknung, temeshi akymtsy tazangzyk asoshi.

### TAPU PEZY.

<sup>1</sup> Raraba aseir rarabangsen nenok rongnung kechi nunge arur ? Nenok temange temenen benshinyr

aseir nenok tanela mapa tajung inyaknyr, aseir parinoke raratep. Nenok rongnung rarabangsen lir kechi-

asyr nenok mulung temenen lir. <sup>2</sup> Nenoke temenen oset nykshir saka magizyktet. Nenoke nisung tep-

setba amato medemer o medemer na kanga sempatep.

Nenoke mishir saka nenoke magizyktet. Nenoke rar-  
 atep aseir teti rarabangsente. Nenoke Tsungrem  
 temoatsyba magizyktet kechiasyr nenoke Tsungrem  
 dang mesarasademer. <sup>3</sup> Nenoke Tsungrem dang me-  
 pishir sydi, saka nenoke mepishiba magizyk kechiasyr  
 mepishiba nung temenen lir, aseir iba agizyktsyba  
 age nenoke temenen benshinyr. <sup>4</sup> Nenok mashilene  
 aoba nisung! Nenok temenen ali purden medemer  
 alidang nenoke Tsungrem medemer makymtet, saka  
 Pa tsykchir lir. Ibae nenoke meshisar no? Shire  
 temenen ali pur ama akym Tsungrem tsykchir lir.  
<sup>5</sup> Lai age o tiyazy zymbir ta nenoke bilimer ma? Onok  
 nung Tsungrem ayuba tanela mokok ajinyr ma?  
 Nenoke kechi bilimer? <sup>6</sup> Aji oda masy, saka Tsung-  
 rem imlibilim onok tenungdaktsy asoshi teperi lir.  
 Tsungreme Par imlibilim ajem-alur nisung nung  
 agytsyr, saka asokymba nung Pae magytsyr. Lai  
 nung yamae zilua lir. <sup>7</sup> Tsungrem ozyng benshiang.  
 Nenoke Mozingden rarang aseir pae nenok nunge  
 ajentsy. <sup>8</sup> Nenoke Tsungrem dang sarasademang  
 aseir Pa nung imlaang, idangji Tsungreme nenok  
 mepishiba o angatsy aseir yaritsy. Saka nenok teme-  
 nen benshiba nisung tajung leman nung jajatsy tim.  
 Temulung ana aliba nisung pei mulung meryk-meryka  
 kyndaktsytsy tim. <sup>9</sup> Nenoke temenen benshinung  
 pei sasa timatym angr, mangimang aseir jepang.  
 Nenoke temenen benshinung nenok temenyba temu-  
 lung jashir kymang, aseir tepelaba temulung jashiba



kymang. <sup>10</sup> Nenok Tsungrem madang ajem-alur kymang aseir Tsungreme nenok moatsyova uludaktsytsy.

Adianu, medemer o medemer dak taei tenloktep. Shire adianu dak taei enlokdir mesyra par adianu dang o bendangdir iba nisunge Tsungrem ozyng raksar, aseir pei dak o bendangba kymdaktsy. Nenoke ozyng nenok adianu asoshi yanglurabang idangji nenok Tsungrem ozyng raksar, nenoke Tsungrem ozyng raksar, nenoke Tsungrem ozyng dak taei enlok aseir o bendangba pei sasa kymdaktsy. <sup>12</sup> Ozyng yangluba aseir O Bendangba Ka dang lir aseir pae nisung kymzyktet aseir samadaktsytet. Pei kiyonger o bendangtsy asoshi shingae nisung nung ain magytsy.

<sup>13</sup> “Tany mesyra asong onoke iba imtie aotsy aseir wage kym ka alitsy aseir shishi lema takar akymtsy,” ta nenoke ashir. Ky o anga-ang. <sup>14</sup> Asong kechi adoktsy nenoke memetet. Nenok takym komama lir? Nenok tangu amato lir. Tatsyka asoshi nenoke tangu ngutet, saka yakte pa tangudak nunge oa adok. Nenoke yamae lir. <sup>15</sup> “Tsungrem mulung lirabang onoke takym alitsy aseir ya aseir aji mapa inyaktsy.” Yamae nenok o zymbitsy tim. <sup>16</sup> Nenoke, alima oset nung aseir pei sasa nung imlaba, o anemtsy age teti atalar. Ibae kanga majung. <sup>17</sup> Nisunge kechi inyaktsy tim metetrabang saka iba mapa tajung mein-yakrabang idangji iba nisung taei lir.



## TAPU PUNGU.

<sup>1</sup> Nenok, takar nisung, ky o angaang. Asong-yany nenok kanga timatymtsy; iba asoshi mangimtsyyla aseir ajeptsyla. <sup>2</sup> Nenok rongsen kecha malang, kechiasyr iba samar aseir nenok scy ajak scy ryrtsy age chiogo. <sup>3</sup> Nenok hon aseir taribi song age ajen. Iba sen nung aliba songe nenok anema kuli agytsytsy, aseir nenok dang taei enloktsy. Nenoke yamae benshi-nung sen nung imlar nenok kanga merenshitsy. Iba tatym anogo nung nenoke rongsen tulu bendener rizungdak nung ayur. <sup>4</sup>Reprangang! Nenoke alu inyakba nybu dang sen atsy. Nenoke iba sen nybu nunge aoyaba ama sot, nenok sen atsyba aeimtener nenok dak taei enloktsytsy asoshi. Nenok nybu aeimtenba Takokba Tsungreme angashir. <sup>5</sup> Alima nung nenoke chitiyongti aseir teti benzong yangluba nisung akym, aseir nenoke sen tamajungba asoshi endok. Tatym anogo nung kadang Tsungreme nenok samatsyr; nenoke benzong teti yanglur, poksakba nashi pa tepsetba anogo nung amato. <sup>6</sup> Nenoke atangji nisung dak taei enlok aseir nenoke iba nisung tepset. Iba nisung taneme arema lir.

<sup>7</sup> Adianu, azangla Yisu aruba tashi aremang. Reprangang! Alu aeimbae alu nung tsunglu aseir any teperi agiba tashi ta remzykba age ata lir. (Yamae Tsungrem nenok timatym aseir taremzyk age temeshi kyndaktsyba tashi ata lir.) Nenok ata liang aseir

azongshiang, kechiasyr Yisu yakte arudage. <sup>9</sup> Adianu, medemer o medemer dak taei tagytsy, kechiasyr iba asoshi nenok dak taei enloktsy. Reprangang! Takokba O Bendangba, Yisu, yakte arutsy. <sup>10</sup> Tsungrem tenyng atema zymbiba ainkar alymle mamangba pur age kanga rishikangshi, saka parinoke arema liasy. Adianu, iba ainkartym tatishitsy onok asoshi lir. <sup>11</sup> Reprangang! Tsungreme aremba nisungnung tazangzyk agytsy, onoke yamae amanger. Yob aremzykba indang nenoke metet sydi. (Yob chirtym aseir alu aseir rongsen ajak samadaktyogo. Yob kanga shiranger akym, saka pae Tsungremnung taremzyk age imla. Ken piga lir Tsungreme Yobnung techirtym, alu, rongsen aseir oset ajak tajung tanaben agytsyogo.) Tsungrem kanga imlibilimba aseir taochiba lir.

<sup>12</sup> Ky adianu, kecha zyngiazyngkua teshi. Kotak aseir alima aseir tangar oset atema zyngiazyngkua teshi. Kodang nenoke "Ao" ta ashir, iba o dang teperi lir. Kodang nenoke "Masy", ta ashir, iba o dang teperi lir. Iba nenoke kanga bilimtetang, idangji zyngiazyngku ashiba asoshi nenok dak taei menloktet.

<sup>13</sup> Shire nenok rongnung timatymmer pae sarasademtsy tim. Shire pelaseta lir pae ken atentsy tim.

<sup>14</sup> Shire nenok rongnung shiranger pae arogo yariba azatsy tim. Arogo nunger yaribae iba nisung asoshi Tsungrem dang sarasademtsy tim, aseir pari-

noke pa nung mozy agytsytsy tim. Parinoke Tsungrem nung anybtsytsy asoshi imlar. <sup>15</sup> Tamang age sarasademrabang shirangba nisung anybtsytsy. Nisung temenen age tashidak arurabang pa temenen atoktsy, aseir Tsungreme pa anybdaktsytsy. <sup>16</sup> Medemer o medemer dang nenok temenen nangzykang aseir medemer asoshi sarasademang, nenok anybdaktsytsy asoshi. Atangji nisung sarasademba age mapa aeiga atalokdaktsytet. <sup>17</sup> Elia nisung ka onok amaliasy. “O Oba Tsungrem, alima nung tsunglu tarudaktsy,” yamae Eliae kanga 'sarasadem. Reprangang! Kym asym aseir ita trok tashi tsunglu maru. <sup>18</sup> Idangji Eliae tanaben sarasadem aseir alimae tsunglu arudaktsy aseir alimae pei tezung aeiga agytsy.

<sup>19</sup> Ky adianu, nenok rongnung mashilene jajaba nisung aseir nenoke pa temulung meyipdaktsy rabang nenok mapa tajung lir. <sup>20</sup> Shire iba temenen nisung temulung meyipdaktsy pae iba nisung tanela molomi nunge sot, aseir pae pa temenen tokdaktsy.

## PITORE MYZYNG ZILUBA KAKYT.

### TAPU KA.

<sup>1</sup> Ni, PITOR, Yisu Krista tenyare, Tsungrem shimtetba pur, Pontu, Galatia, Kappadokia, Asia aseir Bitinia lima nung aliba aener akymba pur amato, nenok asoshi iba kakyt ni zilur. <sup>2</sup> Nenoke

Tsungrem shimtetba pur, Par Temeshi Tanela age temeshi kymdaktsyba pur, aseir nenoke Tsungrem ozyng benshinung Yisu Krista age kymzykogo. Aji oda Tsungrem mulung liasy. Tsungreme nenok nung tesenyp aseir imlibilim teti agyzang.

<sup>3</sup> Imlibilim Tsungreme onok temulung meyipdaktsy. Pae onok nung teti takym, aseir Yisu Krista leper nunge shia aruba age imlaba tulu agytsy. Tsunrem, Yisu Krista Tebu, tenyng teti sangang. <sup>4</sup> Nenok teti takym alinung nenok meyong atangji aseir tatym makaba amangtsyba kotak nung nenok asoshi renema lir. <sup>5</sup> Nenok amangba nisung asynung Tsungreme Pa ain age nenok anyker, aseir tatym anogo nung nenok tekymzyke zungkae adoktsy. <sup>6</sup> Ken piga asoshi nenoke atitangba aseir rishikangshiba aeiga lir. Tang yamae alitsyla, saka nenoke kanga pelaseta lir, kechiasyr Tsungreme nenok anyker. <sup>7</sup> Nenok nung atitangba agytsyr nenok tamang atangji sayutsy asoshi. Aji oda lir, nenok tamang nung konang agytsytsy aseir asangtsy asoshi kadang Yisu Krista tanaben arutsy. Parinoke hon mi nung ayur atitangtsy asoshi, saka nenok rishikangshiba aseir timatymba age atitangogo. Hon dang nenok atitangba tamang talangba lir, kechiasyr hon samatsy. <sup>8</sup> Nenoke Yisu tenyk age mangur, saka nenoke Pa meimer. Tang nenoke Pa manguba Pa dang amanger, aseir nenoke pelaseta lir. <sup>9</sup> Nenoke tamang asoshi tazangzyk amato teti takym agir.



<sup>10</sup> Iba tekymzyk indang ainkartym alymle zymbir. Nenok aruba temoatsyba indang parinoke sayu, aseir iba temoatsyba asoshi kanga bushi aseir agizyknyr.

<sup>11</sup> Krista Tanela ainkar temulung nung alibae Krista timatymba aseir Pa aruba sentsy twangshi indang parinok dang sayu. Iba ainkare Krista indang tali metetnyr. <sup>12</sup> Ainkare o atangji nenok asoshi sayu-ogo, aseir pei sasa asoshi masy. Iba atangji o, otsy tajung, sayutsungibae Temeshi Tanela yariba age nenok dang sayur. Iba otsy tajung indang kotak tenyare tali metetnyr.

<sup>13</sup> Kodang Yisue tanaben arutsy nenok temoatsyba tulu alitsy. Iba indang kanga bilimang, aseir lemanng tajung nung jajadang imlaang. <sup>14</sup> Tsungrem ozyng benshiba chirtym liang. Alymle nenoke Tsungrem memetetba mashilene jaja, yamae tebenshi. <sup>15</sup> Tsungreme nenok shimtetba temeshi lir. Aji oda nenok temeshi teti alitsy tim, nenok Tatishitsy amato. <sup>16</sup> "Kechiasyr Ni temeshi lir nenok temeshi alitsy," Tsungreme yamae ashir aseir zilua lir. <sup>17</sup> Nenoke Tsungrem Tebu ta zarabang idangji teti akymtsybuang, kechiasyr Tsungreme nisung mapa age iba nisung o bendangtsyr. Nisung takar aseir sensaker aliba tenungdaktsy maka ta Tsungreme bilimer. Pae nisung mapa dang repranger. <sup>18</sup> Alymle nenoke mashilene jaja nenok tsyrabur amato. Iba nunge nenok kymzykogo, saka nenok temenen benshiba age Tsungrem dang sen atsy. Iba sentsy hon aseir taribi



age motet. <sup>19</sup> Saka Yisu tasyba age nenok asoshi Pae nenok kymzykogo ; kechiasyr kodanga temenen mebenshi, aseir Pae temenen asoshi Takokba liasy. <sup>20</sup> Alymle alima meyangludang Tsungreme iba kymtetba mapa Yisu nung agytsy mapang shitak nung inyaktsy asoshi. Pae iba tatym anogo nung alimae aruogo nenok kymzyktsy asoshi. <sup>21</sup> Tsungreme leper nunge iba Yisu shia arudaktsy, aseir Pa nung senty twangshi agytsyr. Iba Tsungrem nung nenoke amanger aseir imlar. <sup>22</sup> Kechiasyr nenoke otsy tajung benshir nenok mulung meryk- meryker akym. Nenok medemer o medemer na meimteper, aji kanga junger. Nenoke adianu lungso-lungsoa teti meimang. <sup>23</sup> Nenok takym tasen mesamaba metsy nunge arur, aseir samaba metsy nunge masy. Nenoke teti takym Tsungrem otsy tajung nunge agir, aseir iba otsy teti alitsy. <sup>24</sup> Saka alima pur aei amato. Ali pur konang ajak abungba naro amato. Aei aseir naro kongka aor aseir asyr, saka anung Tsungrem o alima tatym tashi alitsyla. Iba otsy tajung nenok madang sayutsungigo.

## TAPU ANA.

<sup>1</sup> Azangla, nenoke temenen tebenshi, aseir tekylak. Tiyazy aseir o majung tezymbi, mokok taji, aseir kecha tenykshi. <sup>2</sup> Nenoke Tsungrem atangji o kanga dang agizyktsytsy tim nenok tanela ziungtsy asoshi ; tanure tetsy mamatzy kanga yongnyba amato liang.

Tsungrem o age nenok tashi aetdaktsytsy aseir te-  
 kymzyk angutsy. Azangla tanela asoshi atangji ziung-  
 tsy kanga agizyknYang. <sup>3</sup> Tsungrem imlibilim lir  
 ta nenoke metet. <sup>4</sup> Nenoke Yisu dang amanger. Pae  
 tongshi tungti ki nung aliba amato, saka nisungtyme  
 Pa endok, saka Tsungreme Pa shimtetba nung agy-  
 tsyr. <sup>5</sup> Nenoke keleme puteper aseir mapa tajung  
 keleme inyaker. Aji oda tongshi aeiga ki ka asoshi  
 bendener, saka parinok ajak keleme ki ka akymmer,  
 yamae nenoke lir. Nenok Tsungrem temeshi tenzykba  
 akymnung temeshi tenlaba Tsungrem dang tenlatsy  
 tim, aseir Tsungrem mulung chidaktsytsy tim, kechi-  
 asyr Yisu onok kymtetba akym. <sup>6</sup> “Reprangang!  
 Yirusalem imti dang Ni shimtetba aseir temeimba Yisu  
 yok, Pae tongshi tungti ki nung aliba amato. Shire  
 Yisu dang amanger pa imlaba asungtsy,” yamae zilua  
 lir. <sup>7</sup> Nenok, amangba pur nung Pae konang agytsytsy.  
 Saka mamangba nung konang magytsytsy. Iba Yisu  
 mamangba nisung age menangzyk, saka Tsungreme  
 Pa nung konang aseir sentsy twangshi agytsyr. Ken  
 ken mapa inyakba nisung age tongshi tungti endoker  
 aseir tangar nisunge iba tongshi tajungba ki nung  
 azunger sydi; parinoke yamae Yisu dang benshir.  
<sup>8</sup> Iba endokba tongshi dak inyakba nisung tetsung  
 metsydaktsy aseir iba age parinok noktang. Yamae  
 mamangba pure Yisu o mangashinyr mashilene aor,  
 aseir temerenshiba agitsy tim. Yamae mamangba  
 nisung asoshi Tsungrem mulung liasy. <sup>9</sup> Saka nenok

shimtetba pur lir, Tsungrem tamarenba tenzyker aseir temeshi kin. Nenoke Tsungrem temeshiba otia sayutsy tim, kechiasyr Tsungreme nenok shimteter nenok mashilen nunge sot, aseir Pae nenok lemanng temeshi nung jajadaktsy. <sup>10</sup> Alymle nenok medemer o medemer na myputep aseir nenok kin tashi maet, saka tangbo nenok Tsungrem nytsung lir. Alymle nenoke temoatsyba Tsungrem nunge magizyk, saka tangbo Tsungrem imlibilim nunge temoatsyba agir.

<sup>11</sup> Temeimba, nenok alima nung ken piga aener amato alidang, nenoke temenen nunge temang kymzykang. Nenoke pei sasa sotang kechiasyr iba temenene tanela den rarateper, aji ni mepishir. <sup>12</sup> Bendanger pur madang nenoke lemanng temeshi nung jajaang. Parinoke nenok dak alymle atala. Tang nenok mapa tajung ngur Tsungrem tenyng asangtsy, kadang Tsungreme parinok mulung meyipdaktsytsy.

<sup>13</sup> Im kymzykba o ajak angashiang aseir benshiang. Tatartym aseir tsuba o teti benshiang, kechiasyr iba Tsungrem mulung nenok asoshi lir. <sup>14</sup> Tsungreme tatartym yoker temenen pur merenshitsy asoshi, aseir pur tajung yaritsy asoshi. <sup>15</sup> Mapa tajung age nenoke temenen aseir memetetba nisung ola madokdaktsytsyla ibae Tsungrem mulung. <sup>16</sup> Nenok sentakba masy, nenok nyji akym. Iba nyji age mapa tajung inyakang aseir mapa majung tinyak. Tsungrem tenzykba liang. <sup>17</sup> Meimchir ajak nung konang agyjang. Krista imscy benshiba nisung ajak nenoke meimang.

Nenoke Tsungrem akymtsybuang. Tsuba nung konang agyjang.

<sup>18</sup> Alar, nenok kibur o angashiang aseir nenoke parinok nung konang agyjang. Kibur kar tajung aseir kar tamajung saka anaprun gla nung konang agyjang. <sup>19</sup> Amangba pur, taei makaba, temenen nisung ket age timatymdaksyrabang, aseir iba Tsungrem asoshi arema lir, iba tajung lir. Tsungrem mulung iba nisung dak chidaksyr. <sup>20</sup> Saka kodang onoke temenen mapa inyaker aseir parinoke onok merenshir aseir onok arema lir, tajangzyk maka. Parinoke onok merenshitsy tim. Saka nenoke mapa tajung inyakdang parinoke nenok merenshir aseir nenok arema lir, idangji nenok dak Tsungrem mulung chidaksyr. <sup>21</sup> Saka iba asoshi Tsungreme nenok shimtetogo. Kechiasyr Krista mapa tajung inyaker timtymdaksy, Pae nenok asoshi timtymogo. Pae nenok asoshi tatishitsy agytsy aseir nenoke leman tajung nung Krista amato jajatsy tim. <sup>22</sup> Yisu temenen kodanga mebenshi aseir tiyazy kodanga mezymbi. <sup>23</sup> Kodang mamangba pure Yisu dak atala, Yisue parinok dak matala. Kodang parinoke Yisu timtymdaksy Yisue timmatymdaksy, saka Yisue atangji o bendangba nung imlar. <sup>24</sup> Yisue kangki nung onok asoshi timtymogo, Pae onok temenen nunge kymzyktsy asoshi, aseir onok leman tajung nung jajadaksytsy asoshi. Yisu tasyba age onok tanela kymzyk. <sup>25</sup> Alymle nenok samaba san amato liasy. Saka tangbo



nenok tanela kymzykba aseir kibur dange nenoke me-  
yipa aruogo.

## TAPU ASYM.

<sup>1</sup> Yamae kinungtsy pei teginungpo akymtsybu-  
ang. Teginungpo kare otsy tajung magirabang,  
otsy tajung age masy saka kinungtsy tajung jakla  
age parinoke Tsungrem atangji o agidaktsytsy.

<sup>2</sup> Yamae alitsy sydi kodang teginungpoe pei kinung-  
tsy akymtsybuba aseir mapa tajung angur. <sup>3</sup> Nenok

tazytsy asoshi lakyp aseir kulang alenba aseir scy  
tajung magitsy tim. <sup>4</sup> Saka nenok tazytsy ajem-alur

tanela aseir temeim temulung alitsy tim. Tsungreme  
temulung aseir tanela dang repranger, aseir Pa ma-

dang temulung tajung tazytsy alangba lir. <sup>5</sup> Alymle  
temeshi tetzyr tazytsy ajem-ajema tenela liasy, aseir

parinoke pei teginungpo akymtsybu. Iba tetzyre  
Tsungrem nung imla. <sup>6</sup> Tetzyr ka tenyng age Sara-

lae, Abraham akymtsybu aseir pa kibuba ta pae  
aza. Nenoke lemanng tajung nung jajarabang aseir

kecha metsyburabang nenoke Sarala atangji chirtym  
amato tang kymtet.

<sup>7</sup> Teginungpo, yamae meryk-meryka kinungtsy den  
liang, aseir pa nung konang agyjang. Nenoke ki-

nungtsy dang tashi tali aet, aseir nenok, anaprunqlae  
teti takym amangtsy, iba bilimtetang. Kodang yamae

nenoke benshir idangji nenok sarasademba myputep-  
ba age menoktangtetsy.



<sup>8</sup> Nenoke medemer o medemer na putebang, imlibilimtepang, meimtepang, aochitebang aseir ajem-ajema liang. <sup>9</sup> Nisunge nenok dak temenen benshirabang idangji nenoke parinok dak temenen kodanga tebenshi. Parinoke nenok dang atalarabang nenok yamae tebenshi, saka temoatsyba parinok nung agy-jang. Tsungreme nenok shimtetogo nenok nung temoatsyba agytsytsy asoshi. <sup>10</sup> Shire takym tepelaba aseir anogo jung-junga aeiga agizyknyr, iba nisung pei temeli akoktsyla aseir tiyazy aseir temenen o mezymbitsyla. <sup>11</sup> Iba nisung temenen leman nunge toktsytsyla aseir mapa tajunginyaktsyla. Tesenyp pei temulung nung alitsyla aseir pa tezungtepdaktsyba alitsyla. <sup>12</sup> Tsungreme nisung atangji teti anyker aseir Pae parinok mepishiba teti angashir, saka Pae temenen benshiba nisung merenshitsu.

<sup>13</sup> Nenoke mapa tajunginyaknyrabang shire nenok timtymdaktsytsy? <sup>14</sup> Saka nenoke mapa tajung inyaknung parinoke nenok timtymdaktsyrabang nenoke temoatsyba tulu agitsy. Shingae nenok tetsybudaktsy, aseir parinok atemdangba asoshi nenoke tetsybu. <sup>15</sup> Nenoke temulung nung Krista Tsungrem amato akymtsybuang. Kodang shire Krista imscy indang nenok dang asongdanger idangji kechiba nenoke Yisu dang amanger parinok dang shiang. Teti renema aseir ajem-ajema liang, aseir akymtsybuang. <sup>16</sup> Temulung meryk-meryker teti liang, idangji nenok dak taei enloktsyba nisung

maksy daktsytsy, kechiasyr parinoke nenok Krista imscy benshiba takym dang atalar. <sup>17</sup> Tsungrem mulung lirabang nenok timtymtsyla, saka temenen mapa asoshi temerenshiba dang tajungba mapa tajung asoshi timtymtsy. <sup>18</sup> Kechiasyr Krista a onok temenen asoshi ken timtymogo. Pae, Temeshiba, temenen benshiba nisung asoshi timtymogo, onok Tsungrem dange anitsy asoshi. Krista temang syogo saka Pa tanela takym tasen agir. <sup>19</sup> Alymle Tsungrem mebenshiba tanela dang Yisue sayutsungigo. Iba tanela shimtetba tesym dange Yisue ogo. <sup>20</sup> Alymle iba tanela ozyng mebenshiba liasy kadang aremzykba Tsungreme Noah rong tuluba merenem tashi nisung temulung meyiptysy asoshi ata liasy. Alima atsungbangba arudang Tsungreme Noah rong tulu nung nisung ti kymzykogo. <sup>21</sup> Tang Tsungreme nenok yamae kymzyk kadang nenoke Pa dang amang aseir tzysendaktsy. Nenoke temang nunge anak shidokba age temenen nunge mykymzyktet, saka temulung meyipba aseir Yisu Krista leper nunge shia aruba age nenok kymzyktet. <sup>22</sup> Yisue kotake atu aseir Tsungrem tajichilen lir. Kotak tenyar aseir kotak tamenba tenyar aseir ajak kotak alibae Yisu ozyng benshir.

### TAPU PEZY.

<sup>1</sup> Krista alima nung alidang timtymogo. Aji oda nenok mulung Krista mulung amato liang aseir tim-

tymtsý asoshi teti renema liang. Shire timtýmogo temenen nunge toktsýogo. <sup>2</sup> Nenok temulung Krista temulung amato lirabang, Tsungrem mulung age anir nenoke leman temeshi nung jajatsý, aseir temenen temang age manitsý alymle amato. <sup>3</sup> Alymle nenoke bendanger pur amato benshi. Nenoke mashilene jajago, yi zýmogo, meryk-meryka masý, aseir tangar tsungrem kýmogo. <sup>4</sup> Tang kechiasýr nenoke parinok amato temenen mebenshir parinoke kanga scong-manger, aseir nenok dang atalar. <sup>5</sup> Saka iba temenen bendanger pure Tsungrem dang parinok temenen mapa nangzyktsýla. Tsungreme tasýr aseir takým aliba nisung o bendanger aseir Pae parinok o bendangtsý. <sup>6</sup> Tasýr nisung dang otsý tajung sayutsungigo, iba tanela nisung amato o bendangtetsý asoshi. Yamae liasý iba tanelae Tsungrem mulung benshitetsý asoshi. <sup>7</sup> Saka putu tatým lir. Azangla temulung meryk-meryker aseir saksalema liang sarasademtetsý asoshi. <sup>8</sup> Nenoke medemer o medemer na kanga dang meimtepang, kechiasýr temeime temenen aeiga tokdaktsýtsý. <sup>9</sup> Nenoke medemer o medemer na nenok ki nung tepelaba age agizyktepang aseir yaritepang aseir rarabangsente teli. <sup>10</sup> Kechisarena nenok meyong lir, iba sempet age tangar nisung yariang, kechiasýr nenok rongsen Tsungrem nunge arur. Nenok rongsen kibuba imlibilim Tsungrem asoshi lir. <sup>11</sup> Shire o Tsungrem nunge ainkar amato zymbir, Tsungrem tenýng asangtsý asoshi zymbitsý

tim. Shire tangar nisung tenzyker aseir yarir Tsungrem tashi agytsyba age iba mapa inyakang. Idangji Yisu Krista age Tsungrem tenyng asangtsy. Tsungrem konang aseir ain ajak teti lir.

<sup>12</sup> Temeimba, kechiasyr nenok rongnung tesashi rishikangshiba nenok atitangtsy asoshi lir, nenok tesongmang. Ya alitsyla. <sup>13</sup> Kechiasyr nenoke Krista timatymba lemzyker, kanga pela liang. Krista sentsy twangshi sayudang idangji nenoke kanga pelaseta alitsy. <sup>14</sup> Kodang parinoke nenok dak atalar kechiasyr nenok Krista meyong lir, idangji nenok nung temoatsyba tulu agytsytsy, kechiasyr Tanela, Temeshi, Tsungrem Tanela nenok nung lir. <sup>15</sup> Shingae tepsetba nisung, taoyaba temenen benshiba aseir zangzongba amato tesy. Iba amato tebenshi aseir parinok amato timtetym. <sup>16</sup> Shire Krista tenzyker amato timtymer iba nisung iba timatymba indang maksy makymtsy tim. Parinoke, iba nisung, Krista imsey benshiba, ta azanung, iba nisunge Tsungrem tenyng asangtsy tim. <sup>17</sup> Tang arogo nunger tamasa o bendangtsy tim. Onok tamasa o bendangrabang, idangji kechi o bendangba mamangba nisung nung agytsytsy? <sup>18</sup> Mapa tasak lirabang nisung tajung kymzyktsy asoshi, mamangba aseir temenen benshiba nisung nung kechi agytsytsy? <sup>19</sup> Azangla, Tsungrem asoshi timatymba nisunge atangji Tsungrem nung imlaang aseir lemanng tajung nung teti jajaang.



## TAPU PUNGU.

<sup>1</sup> Ni, adianu arogo nunger yariba aliba, kuli Krista timatymba indang agytsyr. Ni a Krista sentsy twangshi lemzyktsy. Nenok rongnung arogo nunger yariba ni azongshinyr. <sup>2</sup> Nenoke Tsungrem pur nenok rongnung nykang aseir yariang, aseir atangji san anykba amato liang. Iba amato benshiang, temeim temulung age mapa inyakang. Sen asoshi iba tebenshi, saka nenok arogo yariba liang kechiasyr nenok mulung yamae lir. <sup>3</sup> Nenoke tatishitsy arogo nunger asoshi liang, aseir arogo kibuba asokym amatesy. <sup>4</sup> Kodang Kristae, iba tamarenba san anykba, arutsy idangji nenoke masamaba tazangzyk agitsy. <sup>5</sup> Yamae Asangurtyme tambutym akymtsy buang. Ajake ajem-ajema liang aseir medemer o medemer na tenzyk-tepang. Tsungreme asokym nisung nunge toktsyr, saka Pae ajem-ajema nisung nung imlibilim agytsyr. <sup>6</sup> Tang Takokba Tsungrem madang nenoke ajem-ajema liang aseir ken piga lir Pae nenok uludaktsytsy. <sup>7</sup> Nenok shisa buluba mesyra temulung ratamata ajak indang Tsungrem dang shiang ma, aseir Pae nenok yaritsy, kechiasyr Pae nenok kanga meimer. <sup>8</sup> Nenoke atangji aseir saksalema liang. Nenok tsykchir iba Mozing senzy aliba nisung samadaktsytsy asoshi tesashi kei amato bushidage. <sup>9</sup> Nenoke iba Mozing den nenok tamang ain age rarang. Nenok arogo nunger medemer alima ajak nung timtymer nenok



amato, ibae nenoke metet. <sup>10</sup> Imlibilim Tsungreme nenok Krista den putebpa age nenok shimtetogo Pa den teti sentsy twangshi lemzyktsy asoshi. Kodang nenoke ken piga timtymer, Pae nenok temeshi kymdaktsytsy, tashi aetdaktsytsy, aseir sungdaktsytsy.

<sup>11</sup> Tsungrem ain ajak teti liang.

<sup>12</sup> Iba kakyt onok atangji adianu, Sila age ni yoker. Ni tatsy kakyt zilur nenok azongshitsy asoshi. Kakyt nung Tsungrem imlibilim indang ni zilur, aseir Silae kuli agytsytsy. Tsungrem imlibilim age nenoke tashi aetjang. <sup>13</sup> Shimtetba pure Babel imti nung nenok asoshi temeim Salaam yok. Marke, ky chir amato aliba, Salaam yok. <sup>14</sup> Medemer o medemer nung temeim age Salaam agyjang.

Nenok Krista amangba nisung ajak den tesenyp liang.

## PITORE ZILUBA TANABUBA KAKYT.

### TAPU KA.

<sup>1</sup> Ni, Simon Pitor, Yisu Krista tenzyker aseir tenyare iba kakyt zilur. Nenoke senti tamang onok amato agir Tsungrem aseir Yisu Krista onok kymtetba temeshiba age, nenok asoshi ni zilur. <sup>2</sup> Tsungrem aseir Yisu Krista shisatsy age nenok tesenyp uludakjang. <sup>3</sup> Yisu takokba aseir temeshiba age nenok kymzykogo. Iba aseir Pa takokba ain age Pae onok nung tenungdaktsyba ajak temeshi takym

asoshi agytsyr. <sup>4</sup> Tsungreme onok nung senti oset amato nangzykba agytsyr. Iba age Tsungreme Pa Tanela onok den lemsar, aseir alima temenen nunge onok toktsydaktsytet. <sup>5</sup> Ao, iba asoshi nenoke tamang mapa tajung age sungdakjang, aseir nenok mapa tajung shisatsy age sungdakjang. <sup>6</sup> Nenok shisatsy den meryk-merykba bendenang, meryk-merykba den aremzykba, aseir aremzykba den temeshiba bendenang. <sup>7</sup> Nenok temeshiba den adianu asoshi imlibilim aseir temeim bendenang. <sup>8</sup> Iba mapa nenok nung sungdaktsyrabang idangji Yisu Krista shisatsy indang nenoke metetsy merangtsyla aseir bushitsyla. <sup>9</sup> Shire temulung nung iba mali tenyk pokba amato. Iba nisung temulung meyipba aseir pa alymle agibat ekymtet indang amaa mangutet. Pae kechi pei anasa aliba dang angur aseir bilimtet. <sup>10</sup> Azangla adianu, temeshi akymba age nenok tekymtet aseir teshimtetba Tsungrem nunge sungdakjang. Nenoke yamae benshirabang nenoke temenen leman nung kodanga majajatsy. <sup>11</sup> Iba age nenoke, Yisu Krista, onok Kymtetba kotak im nung pelaseta aotsy. <sup>12</sup> Azangla, nenoke iba o metet aseir iba atangji o nenok temulung nung yur, saka ni nenok teti bilimtetdaktsytsy. <sup>13</sup> Yamae ky ali temang takym alidang iba oji indang ni nenok azongshitsy tim, ta ni bilimer. <sup>14</sup> Ky tanela ky temang nunge yakte toktsytsy ta ni metet, kechiasyr Yisu Kristae yamae ky dang sayur. <sup>15</sup> Ibagytsy ni kotake atudi, nenoke

iba oji bilimtetsy, ta ni kanga imlar; iba asoshi ni teti inyaker. <sup>16</sup> Kodang onoke nenok dang Yisu Krista ain aseir tanabuba aruba indang sayu, onoke tiyazy otsy myzymbi. Onoke Yisu sentsy twangshi onok tenyk age angu. <sup>17</sup> Tsungrem Tebue Yisu nung konang aseir sentsy twangshi agytsy. Takokba Tsungreme Yisu dang yamae ashi, "Iba Ky temeim Chir, Pa dak Ky temulung achir." <sup>18</sup> Onok Yisu den temeshi tenem nung alidang iba kotak ola angashiogo. <sup>19</sup> Iba age ainkar o atalokdaksy. Iba oji nenoke angashitsy tim. Iba oji amang nung sangwatsy milen amato. Amang meseitsy tashi aseir Yisu Krista tana-ben marutsy tashi, iba oji, milen amato anitakang. <sup>20</sup> Ainkare parinok zymbiba o pei tashi aseir shisatsy age myzymbi, iba jung-junga metetang. <sup>21</sup> Ainkare nisung age o myzymbi, saka Tsungreme Tanela Temeshi age nisung Tsungrem o zymbidaksy.

### TAPU ANA.

<sup>1</sup> Alymle tiyazy ainkar temeshi pur rongnung liasy, aseir yamae nenok rongnung tiyazy sayuba alitsy. Iba tiyazy sayubae tiyazy o meima sayutsy, aseir parinok kymtetba manangzyktsy. Iba age parinoke pei sasa samadaksytsy. <sup>2</sup> Nisung aeigae parinok amato temenen leman nung jajatsy, aseir otsy tajung dang ataladaksytsy. <sup>3</sup> Parinoke rongsen agitsy asoshi nenok dang o sikia zymbitsy aseir parinoke

nenok dang kylaktsy. Alymle nunge parinok temeren-shiba parinok asoshi ata lir, saka Tsungreme parinok tang samadaktsydi. <sup>4</sup> Temenen kotak tenyar Tsungreme matok, saka Pae parinok molo mi nung aridok. Iba kotak tenyar amang kangla nung Pae ayu o bendang ny tashi. <sup>5</sup> Alymle temenen ali pur Tsungreme matok, saka atsungbangba age samadaktsyogo. Tsungreme Noah, atangji sayutsungir, aseir tangar nisung tenet kymzyk. Saka tangar ajak alima atsungbangba age samadaktsyogo; kechiasyr parinoke temenen benshi. <sup>6</sup> Sidom aseir Gomora temenen imti Tsungreme samadaktsyogo. Parinok tansytsy temenen benshiba nisung ajak asoshi lir. <sup>7</sup> Tsungreme Lot, atangji nisung, Sidom imti nunge sotogo. Temenen benshiba nisung age Lot shisa bulua liasy. <sup>8</sup> Lot ki iba temenen benshiba nisung rongnung liasy. Iba atangji Lot temulung kanga ratamata liasy. Lote parinok tamajung o anga aseir temenen mapa re-prangogo. Kechiasyr parinoke Tsungrem ozyng raksago Lote kanga jashi. <sup>9</sup> Kechi koda atangji nisung tatitangba nunge sotsy, aji Tsungreme metet. Tsungreme temenen benshiba nisung ajak alentsy o bendang ny asoshi. <sup>10</sup> Temang temenen ozyng benshiba, nyktapangta benshiba nisung aseir tasa magiba nisung. Tsungreme kanga dang merenshitsy. Parinok asokym, tashi mangar, parinoke ain dak atalar, aseir Tsungreme parinok o bendang ny alena ayutsy. <sup>11</sup> Iba tiyazy sayuba dang tuluba aseir tashi aetba kotak



tenyar lir. Saka kotak tenyare Tsungrem madang nisung dak atalatsy tsybur. <sup>12</sup> Saka iba tiyazy sayuba shisatsy maliba, shiruru aputsy aseir tepsetsy asoshi amato lir. Parinoke memetetba oset dang atalar aseir parinok temenen mapa inyakdang Tsungreme samadaktsytsy. <sup>13</sup> Parinoke timtymtsyt kechiasyr parinoke temenen mapa benshir. Kenymati parinoke benzong yanglur aseir yi age mesipa akymmer. Parinoke nenok den benzong yangludang parinoke nenok kylak-oktetsynung kanga pelar. <sup>14</sup> Parinoke nyktapangta indang dang bilimtet. Parinoke temenen nunge matoktsytet. Parinoke temulung ana aliba nisung mashilene anir. Parinoke kanga meru-meru aseir tesamaba chirtym lir. <sup>15</sup> Parinoke lemanj tajung nunge toktsyr aseir lemanj majung nung jajar. Parinoke Bebem, Beor chir, tatishitsy asoshi anitaker. Beleme sen asoshi Tsungrem shimtetba pur dang atalanyr. <sup>16</sup> Belem pei temenen asoshi aretsya liasy. Par gado swarere, nisung ola age, zymbi aseir temenen ainkar noktangogo. <sup>17</sup> Iba tiyazy sayuba tzy maliba tzybu aseir tangu mopung age aridoker amato. Parinok asoshi teti amange ata lir. <sup>18</sup> Parinoke tashi maetba nisung aseir mashilen nunge toktsyba nisung lemanj majung nung aninyr. Parinok asokym o age parinoke tangar nisung temenen benshidaktsytsy meranger. <sup>19</sup> Iba tiyazy sayubae tangar nisung nyji kyndaktsytsy ta nangzyker parinok sasa temenen alar alidang. Kechisarenae nisung ka akok-

er, iba age pa alar kymdaksya lir. <sup>20</sup> Yisu Krista onok kymtetba metetba age leman majung nunge toktsyba nisung tanaben temenen age kokrabang, iba kanga majung. Alymle dang tamajungba parinok tang lir. <sup>21</sup> Parinoke otsy tajung memetetrabang tajungba syla parinok asoshi, kechiasyr parinoke leman tajung tang metet, saka parinoke iba leman nunge meyiper aseir agytsyba ozyng raksar. <sup>22</sup> Parinok iba atangji o amato lir, “Azy pei saksyba dang tanaben arur aseir tzy chigoba ak lishi nung tanaben aor.”

## TAPU ASYM

<sup>1</sup> Adianu, iba kakyt tanabuba kakyt ni nenok asoshi zilur. Anaprun gla nung nenok bilimtetdaksyba age ni nenok azongshir. <sup>2</sup> Temeshi ainkartym o aseir onok kymtetba o, par tenyartym age zymbir aji bilimtetang. <sup>3</sup> Tatym anogo nung atalaba nisung aseir leman tamajung nung jajaba nisunge arutsy. <sup>4</sup> Parinoke yamae ashitsy, “Yisu nangzykba tanabuba aruba kong ali? Onok tebu tasy nunge aseir tetenzyk nunge oset ajak kasa lir.” <sup>5</sup> Iba parinoke amanyr, alymle kotak aseir alima Tsungrem ozyng age yangluogo. Tsungreme alima kechi tzy nung aliba age aseir tzy age yangluogo. <sup>6</sup> Iba alima tzy atsungbangba age samadaksyogo. <sup>7</sup> Tang aliba anung aseir alima mi age samadaksytsy asoshi ata lir, aseir

bendang ny aseir temenen nisung temerenshiba asoshi ata lir.

<sup>8</sup> Temeimba, Tsungrem asoshi anogo ka aseir kym meyirijang ka kasa lir. Tsungrem asoshi kym meyirijang ka aseir anogo ka kasa lir. Iba bilimtetang. <sup>9</sup> Tsungreme purnym nangzykba ataloktsyr meilunge masy, kechi koda nisung kare bilimer. Onok mapang Tsungrem mapang amato masy. Tsungreme nenok asoshi aremzykba lir. Tsungreme shinga masamadaktsynyr, saka nisung ajak Pae kymzyknyr.

<sup>10</sup> Tsungrem anogo, Yisu aruba, aoksa aoyaba nisung amato alitsy. Ola tulu age anung toktsytsy aseir any, ita aseir petinu mi kanga tulu age melusatsy. Alima aseir kechi alima nung rongdaktsytsy. <sup>11</sup> Kechiasyr yamae alitsy nenok jung-junga alitsy tim. <sup>12</sup> Nenoke Yisu aruba Tsungrem anogo nung kanga yongya reprangtsy tim. Anung mi age rongdaktsytsy aseir any, ita, petinu melusatsy. <sup>13</sup> Onoke anung aseir alima tasen aseir parinok dak temeshiba aliba onok ata lir. Tsungreme yamae nangzykogo.

<sup>14</sup> Azangla, temeimba, kechiasyr nenoke iba oset asoshi ata lir, Tsungrem madang meryk-meryker, temeshi aseir taei menlokba, aseir tesenyp aliba, yamae alitsy merangang. <sup>15</sup> Tsungreme arema alinung aeiga tekymtet angutsy. Yamae onok adianu Paul shisatsy agytsyba age nenok dang zilur. <sup>16</sup> Paule pei kakyt nung o tasak angatetsy asoshi. Tamashi aseir temulung ana aliba nisunge iba kakyt aseir

tangar tenyar kakyt tetezy shitak magizyker aseir iba  
age pei sasa samadaksyr. <sup>17</sup> Temeimba, azangla, iba  
o alymle yonge metetnung kymdangang. Temenen  
nisunge nenok mashilene tani, aseir nenok temulung  
atitakba tekymdaksy. <sup>18</sup> Saka tashi ano aetdakjang  
Yisu Krista onok Kymtetba imlibilim aseir shisatsy  
age. Pa asoshi tang aseir teti aliba sentsy twangshi  
liang.

---



## YOHANE MYZYNG ZILUBA KAKYT.

### TAPU KA.

<sup>1</sup> Teti takym Tanela indang Shiba tetenzyk nunge liasy, ni nenok dang atangji ashir. Teti takym aliba Tanela, Yisu Kristae, alimae arur nisung amato akym. Ni aseir Yisu tenyartyme tenyk age Yisu dak rep-rangogo, aseir onoke pei tenarong age Yisu o anga-shigo, aseir onoke pei Teka age Yisu dak kongshigo. Iba indang ni tang ziludi. <sup>2</sup> Iba teti takym aliba Tanela, Shiba Tsungrem den liasy, nisung amato, azy aseir shi temang age akym, meimchire Pa ngutetsy asoshi. <sup>3</sup> Kechiasyr onoke Yisu angu aseir pa o anga temoatsyba tulu agir. Iba temoatsyba nenok den lemsanyr. Onok Tsungrem aseir Par Chir, Yisu, medemer amato atangji lir. Iba o nenok yaritsy asoshi onoke zilur, aseir onoke nenok yaridang onok tepelaba sungdaktsyr.

<sup>5</sup> Iba osang onoke Yisu zymbiba nunge anga, Tsungrem temeshiba lir, aseir Pa nung temenen mali. <sup>5</sup> Temenen leman nung jajadang onoke shirabang, "Tsungrem den jajadage Pa medemer amato," idangji onoke tiyazy zymbir, aseir leman temeshi nung mejajar. <sup>7</sup> Onoke leman temeshi nung jajarabang, leman temeshi nung teti aliba Tsungrem, onok medemer alitsy. Tsungrem Chire onok kymzyktsy asoshi

kangki nung asynung, Pae onok temenen ajak nunge meryk-meryka shidoktsy. <sup>8</sup> Onok, Krista nytsung, onok temulung nung temenen mali ta shirabang, onok pei sasa tiyazy amangdaksyr aseir otsy tajung, (atangji o, onok temenen aseir Tsungrem temeshiba indang) onok mulung nung mali. <sup>9</sup> Onoke kanga jashia akymmer onok temenen Tsungrem madang nangzykrabang Tsungrem, Temeshibae, Pa nangzykba Krista nytsung asoshi bilimteta onok nangzykba temenen atoktsy, aseir onok temenen nunge sota temulung meryk-meryka kymdaksytsy. <sup>10</sup> Onok temenen mali ta onoke shirabang onoke Tsungrem tiyazy zymbiba kymdaksynyr, (kechiasyr onok jakla temenen yamae Tsungreme ashir). Onoke aji oda zymbirabang, Tsungrem Tanela Temeshi onok temulung nung mali.

### TAPU ANA.

<sup>1</sup> Krista temeim nytsung, ni nenok dang ziludage nenok temenen benshiba nunge kymzyktsy asoshi. Saka arogo nungere temenen benshirabang iba kanga majung, saka kymtetsy aseir yaritsy asoshi Yisu Krista lir. Pae, Temeshiba, onok temenen atoktet aseir Tsungrem dang mepishitet. <sup>2</sup> Pae onok temenen asoshi aseir meimchir temenen ajak asoshi temenen pungtokba lir. <sup>3</sup> Onoke otsy tajung nung ziluba ozyng benshirabang, idangji onoke medemer amato

Krista metetsy. <sup>4</sup> Shire ashir, "Ni Yisu metet," saka Krista ozyng mebenshir, pa tiyazy zymbiba nisung lir, aseir pa temulung nung otsy tajung maka. <sup>5</sup> Shire Krista ozyng benshir iba nisung temulung nung Tsungrem temeim mapa sunga lir. Kodang onoke Krista imscy benshir onok Krista den putepa lir ta onoke metet. <sup>6</sup> Shire, "Ni Krista den putepa lir," ta ashir, iba nisunge lemanj tajung nung jajatsyla, kechi koda Kristae onok tatishitsy amato jajar.

<sup>7</sup> Temeimba, ozyng tasen masy saka tejen ozyng meimtepsy indang nenok asoshi ni zilur. Iba ozyng alymle sayutsungir nunge angashir. <sup>8</sup> Iba ozyng ni ziluba, alymle ozyng tasen Yisue azar. Iba ozyng Krista nung aseir nenok nung sunga lir. Anaprunqlae iba atangji ozyng sayudaktsy, kechiasyr onoke iba temeim ozyng benshidang temenen tanela ajentsy, aseir onoke lemanj tajung nung tang jajar. <sup>9</sup> Shire "Ni Krista imscy benshir," ta ashir, saka pa adianu sempar, iba nisung temenen lemanj nung jajadage, amang nung nymzyba nisung amato. <sup>10</sup> Shire adianu meimer pa nung pi tetsung metsydaktsytsy kecha maka. <sup>11</sup> Adianu sempaba nisung temenen lemanj nung jajadage. Pae kolene aotsy mangutet, kechiasyr temenen tanelae pa tenyk pokdaktsy.

<sup>12</sup> Krista nytsung tasentym asoshi ni ziludage. Krista kymzykba mapa age nenok temenen atok.

<sup>13</sup> Tebutym asoshi ni ziludage kechiasyr nenoke tetenzyk nunge aliba Krista metet. Asangurtym

asoshi ni ziludage, kechiasyr nenoke Mozing tati-tangba akok. Krista nytsung tasentym asoshi ni zilur, kechiasyr nenoke Tsungrem metet. <sup>14</sup> Tebutym asoshi ni zilur, kechiasyr tetenzyk nunge aliba Krista nenoke metet. Asangurtym asoshi ni zilur kechiasyr Tsungreme nenok tanela nung tashi agytsy, aseir Tsungrem o nenok temulung nung lir, nenoke temenen tanela akok. <sup>15</sup> Alima kechi agytsy tet aseir alima nung aliba oset temeim. (Kechiasyr alima oset age Tsungrem nunge nenok anitsy.) Nenoke alima oset meimerabang nenok temulung memeyip aseir Tsungrem chirtym makym. <sup>16</sup> Shire temang temenen anishiba anitaknyr, shire tenyk age temenen aseir tesamatsy oset dang nokshinyr, shire nisung asangba aginyr, iba nisungtyme Tsungrem chirtym mykymtet, saka ali purtym lir. <sup>17</sup> Alima aseir temenen oset ajak samadaktsytsy, saka shire Tsungrem meimer aseir Patenzyker iba nisung masamatsy, saka teti takym angutsy.

<sup>18</sup> Temeimba, tangbo putu tatym lir. Putu tatym temaeitsy ka lir, tiyazy sayuba Krista tenyng atema arutsy. Tangbo kylakobungtsy aeiga, aseir parinoke otsy tajung samadaktsynyr. Iba asoshi putu tatym ta onoke metet. <sup>19</sup> Iba tiyazy sayuba, Krista tsyk-chirtyme, onok nunge toktsyr. Parinok atangji nytsung kodanga mali. Parinok atangji nytsung lirabang parinoke onok nunge matoktsy. Parinoke baladaktsy alima dang parinok atangji nytsung makym ta sayutsy



asoshi. <sup>20</sup> Atangji, Temeshi Tanelae nenok temulung arur aseir pae otsy tajung, oset ajak, nenok dang sayur. <sup>21</sup> Ni nenok asoshi mezilur, kechiasyr nenoke atangji o mametet, saka nenok atangji o metetba, kechi ni zilur angatet, aseir atangji o nunge tiyazy marutet. <sup>22</sup> Shire, "Yisu iba Krista, onok Kymtetba mali," ta ashir, iba nisung tiyazy zymbiba nisung lir. Iba nisung kylakobungba aseir Krista tsykchir lir, aseir Tsungrem Tebu aseir Tsungrem Techir putepba, Anaprungla pae manangzyker. <sup>23</sup> Shire Tsungrem Chir menangzyk pae Tsungrem Tebu mametet, (kechiasyr Tebu Tanela Techir nung lir.) <sup>24</sup> Nenoke amangdang nunge angaba ajak amangtsy tim, aseir nenok temulung age ayutsy tim. Nenoke aji oda benshirabang nenoke Tsungrem Chir aseir Tsungrem Tebu metetsy. <sup>25</sup> Kristae nangzyk, "Ni nenok nung teti takym agytsytsy." <sup>26</sup> Tiyazy sayuba indang shire temenen leman nung nenok aninyr aji nenok asoshi zilur. <sup>27</sup> Kechiasyr Kristae Temeshi Tanela nenok temulung nung yok nenok den Pa teti alitsy. Tanela Temeshi nenok oset ajak indang sayunung nenoke sayuba asoshi tenungdaktsy maka. Pae atangji o zymbir aseir tiyazy mezymbir. Nenoke Pa den putepang. <sup>28</sup> Temeimba, nenok Krista den putepang, idangji Yisue tanaben arudang nenoke temenen malitsy aseir Yisu o bendangba metsybutsy. <sup>29</sup> Yisu temeshi lir ta nenoke metet. Shire temeshi leman nung jajar parinok temulung meyipa takym tasen Pa nunge agizyk.

## TAPU ASYŲM.

<sup>1</sup> Onok Tsungrem chirtym ta azatsy asoshi Tsungrem Tebue onok nung koda temeim agytsy, aji indang bilimang. Kechiasyr onok, Tsungrem chirtym lir, ali purtym teti takym malinung parinoke onok mametet, aseir parinoke Yisu mametet. <sup>2</sup> Temeimba, tangbo onok Tsungrem chir akym, saka ken piga lir onok komama nisung akymtsy iba Tsungreme mesayu. Kodang Krista senty twangshi onok dang sayutsy onok Krista amato alitsy ta metet. Kechiasyr Yisue Pa senty twangshi aseir temeshiba ajak nung sayutsy, aseir onoke Pa amato alitsy. <sup>3</sup> Shire iba imlaba aka, pei sasa temulung meryk-meryka kymdaktsyr Krista temulung amato. <sup>4</sup> Shire temenen benshir Tsungrem ozyng raksar. <sup>5</sup> Krista onok temenen nunge sotsy asoshi alimae aru aseir nisung amato akym. Pa nung temenen mali. <sup>6</sup> Shire Krista den teti putepa lir temenen mebenshir. Shire temenen benshir pei mulung memeyip aseir Krista mametet. <sup>7</sup> Temeimba, shingae temenen leman nung nenok tanidaktsy. Shire mapa tajung inyaker Krista amato iba nisung tajung lir. <sup>8</sup> Shire temenen benshir Mozing meyong lir, kechiasyr Mozing tetenzyk nunge temenen benshir. Mozing mapa samadaktsytsy asoshi Tsungrem Chire alimae aru. <sup>9</sup> Shire Tsungrem nunge takym tasen agizyk temenen mebenshir, kechiasyr Tsungrem Tanela pa nung teti lir. Iba

nisung takym tasen Tsungrem nunge alinung pae temenen leman nung mejajatet. <sup>10</sup> Aji age Tsungrem chir Mozing chir nunge baladaktsyr. Shire temenen leman nung jajar, Tsungrem chir mali. Atangji, shire pei adianu sempar Tsungrem mametet. <sup>11</sup> Kodang nenok arogo nunger alymle akym iba osang angashir nenoke meimtepang. <sup>12</sup> Kain, tenu tepsetba, Mozing chir, iba nisung amato onoke mebenshitsyla. Kechiba Kain pei tenu tepset? Kechiasyr Kain mapa majung aseir pa tenu mapa junger liasy.

<sup>13</sup> Adianutym, ali purtyme nenok sempanung nenoke tescongman. <sup>14</sup> Onok Mozing ain nunge sota lir aseir teti takym kar. Onoke adianu meimnung aji onoke metet. Shire memeimer teti takym mangutet. <sup>15</sup> Shire adianu sempar nisung tepsetba lir, aseir tepsetba nisung nung teti takym mali, aji onoke metet. <sup>16</sup> Krista onok asoshi asynung, iba nunge temeim atangji kechi lir, ta onoke metet. Onoke adianu asoshi asytsy tim. <sup>17</sup> Shire rongsen aseir ziungtsy lir aseir adianu tenungdaktsy aliba angur, saka pa nung magytsytsy iba nisung nung Tsungrem temeim mali. <sup>18</sup> Temeimba, o zymbitsy dang tali temeim atangji lir. Atangji temeim sayur kodang onoke mapa tajung inyaker. <sup>19</sup> Kodang onoke aji oda benschir onoke leman atangji nung jajar, aseir Tsungrem den puteper, aji onoke metet. <sup>20</sup> Onok temulunge onok dak taei enlokrabang, temulung dang tuluba Tsungrem lir

aseir ajak metet. <sup>21</sup> Temeimba, onok temulunge onok dak taei menlokrabang onok temulung tajung age Tsungrem madange arutet. <sup>22</sup> Kechisarena onoke mepishiba onoke agitsy, kechiasyr onoke Tsungrem ozyng benshir, aseir onok dak Pa temulung achir. <sup>23</sup> Tsungrem ozyng yamae lir. Onoke Yisu Tsungrem Chir dang amangang, aseir adianu meimtepang, kechi koda Pae onok nung ozyng agytsy. <sup>24</sup> Shire pa ozyng benshir Krista den puteper, aseir pa den Krista puteper. Kechiasyr onok nung Yisu yokba Tanela Temeshi lir, Krista onok den puteper ta onoke metet.

### TAPU PEZY.

<sup>1</sup> Temeimba, nisung ajake zymbiba, “Ni Tsungrem Tanela age ashir,” nenoke tamang. Saka nisung tanela ajak atitangang, aji age tanela Tsungrem nunge aruba metetsy, kechiasyr tiyazy ainkar aeiga alima nung lir. <sup>2</sup> Shire yamae nangzyker, “Yisu Krista alymle Tsungrem den aliba iba alimae aru, aseir meimchir kymzyktsy asoshi, nisung amato akym,” iba nisunge Tsungrem Tanela age zymbir, aji onoke metet. <sup>3</sup> Shire Yisu manangzyker iba nisung temulung nung Tsungrem Tanela mali. Iba nisung tiyazy sayuba lir. Iba kylakobong shire arutsy, aseir tang alima nung lir, ta nenoke metet. <sup>4</sup> Nenoke temeimba, Tsungrem Tanela temulung nung lir, aseir nenoke kylakobong akok, kechiasyr alima nung aliba Mozing



tanela dang tuluba nénok nung Tsungrem Tanela lir.  
<sup>5</sup> Parinoke ali pur aseir ali pur amato zymbir. Ali  
 pure parinok o angashir. <sup>6</sup> Onok Tsungrem chirtym  
 lir, aseir Tsungrem chirtym ajake onok o angashir. Shire  
 Tsungrem chirtym makymnyr onok o mamangnyr.  
 Aji age shiba Tsungrem chir aseir shiba Mozing chir  
 lir aji onoke metet.

<sup>7</sup> Temeimba, medemer o medemer na meimtepang,  
 kechiasyr temeim Tsungrem nunge arur. Shire  
 atangji meimer takym tasen Tsungrem nunge agizyk  
 aseir parinoke Tsungrem metet. <sup>8</sup> Shire memeimer  
 Tsungrem memetet, kechiasyr Tsungrem temeim lir.  
<sup>9</sup> Tsungrem temeim onok dang sayur, kechiasyr  
 Tsungreme Yisu Par atangji Chir ka dang, alimae  
 onok kymzyktsy asoshi yok. <sup>10</sup> Par temeim iba nung  
 sayur, onoke Pa memeindang Pae onok meim, aseir  
 Yisu onok temenen nunge sotsy asoshi yok. <sup>11</sup> Teme-  
 imba, aji oda Tsungreme onok meimnung onoke atang-  
 ji medemer o medemer na meimteptsyla. <sup>12</sup> Shingae  
 tenyk age Tsungrem kodanga mangur. Onoke  
 meimteprabang, onok temulung nung Tsungrem  
 Tanela teti lir, aseir Pa temeim onok nungsungdaktsy.  
<sup>13</sup> Kechiasyr Tsungreme Pei Tanela onok nung agytsy,  
 Tsungrem den onok puteper, aseir Tsungrem onok  
 den puteper, ta onoke metet. <sup>14</sup> Tsungrem Tebue,  
 Yisu, Par Chir, meimchir kymzyktsy asoshi alimae  
 yok. Iba indang onoke kuli agytsy, aseir onoke  
 tenyk age Yisu nguogo. <sup>15</sup> Shire nangzyker, "Yisu

Tsungrem Chir lir," Tsungreme iba nisung den putepa lir, aseir Tsungrem den iba nisunge puteper. <sup>16</sup> Tsungrem onok nung agytsyba temeim onoke metet, aseir iba temeim nung imlar. Tsungrem temeim lir, aseir shire teti meimer Tsungrem den putepa lir, aseir iba nisung den Tsungreme putepa lir. <sup>17</sup> Onok temeim age sungrabang onoke Tsungrem den puteper, aseir o bendang ny metsybutsy, kechiasyr kotak nung Tsungrem temeshi amato onok iba alima nung temeshi akymmer. <sup>18</sup> Kodang nisung atangji meimer parinoke metsybur. Atangji temeime tetsybuba aridok, kechiasyr tetsybue timatymba agytsyr. Shire tsybur iba nisung nung temeim masungdaktsy. <sup>19</sup> Onoke meimer, kechiasyr alymle yonge Tsungreme onok meimer. <sup>20</sup> Shire adianu sempadang ashir, "Ni Tsungrem meimer," iba nisung tiyazy zymbir. Shibae tenyk age anguba tenu dang memeimtet iba nisunge kechi koda tenyk age manguba Tsungrem meimtet? Tsungreme ashir, "Shire Tsungrem meimer meimchir a meimtsyla."

### TAPU PUNGU.

<sup>1</sup> Shire Yisuji iba Krista lir ta amanger, parinok Tsungrem chir lir. Shire Tsungrem Tebu meimer Tsungrem Chir, Yisu, a meimer. <sup>2</sup> Kodang onoke Tsungrem meimer aseir Pa ozyng benshir iba age onoke. Tsungrem chirtym meimer ta onoke metet. <sup>3</sup> Onoke

Tsungrem ozyng benshitsyla, aseir Pa ozyng tasak masy, iba Tsungrem mulung. <sup>4</sup> Tsungrem chir ajake alima temenen akoker, kechiasyr onok tamang age onoke alima akoker. <sup>5</sup> Yisu Krista, Tsungrem Chir ta amangba alyma shibae alima temenen akoktsy? Yisu Pa tzy sentsyba age aseir Pa tasyr age meimchir kymzyktsy asoshi alimae aru. Pae tzy age tzy sentsy aseir Pa azy aeim onok asoshi. <sup>7</sup> Temeshi Tanela o atangji teti zymbiba iba kuli agytsy. <sup>8</sup> Iba asyme kuli agytsy, aseir iba asym putep, Temeshi Tanela, tzy aseir azy. <sup>9</sup> Onoke nisung kuli agirabang onoke Tsungrem kuli tuluba lir agitsyla. Tsungreme Par Techir indang kuli agytsy. <sup>10</sup> Shire Yisu, Tsungrem Chir dang amanger kuli pa temulung nung lir, iba kuli Yisu yokba Temeshi Tanela lir. Shire Tsungrem ashiba mamanger iba nisunge Tsungrem tiyazy zymbiba kymdaktsynyr, kechiasyr iba nisunge Tsungrem, Par Chir, Yisu indang agytsyba kuli mamanger. <sup>11</sup> Tsungreme onok nung teti takym agytsy, aseir iba takym Krista nung lir. Onok, Krista dang amangba nung iba kuli Tsungreme agytsy. <sup>12</sup> Shire Krista, Tsungrem Chir, dang amanger aseir Pa den puteper, teti takym lir. Saka shire Tsungrem Chir dang mamanger teti takym mangutet.

<sup>13</sup> Nenoke Tsungrem Chir dang amangba asoshi ni zilur, nenoke teti takym lir ta metetsy asoshi.

<sup>14</sup> Tsungrem mulung amato onoke mepishirabang Tsungreme onok angashir. Kechiasyr Tsungreme onok

onok o angar ta onoke metet, idangji Pae mepishiba agytsytsy ta onoke metet. <sup>16</sup> Shire pei adianu temenen benshir angur, aseir iba temenen toktetsyrabang iba nisunge pei adianu asoshi mepishitsy tim. Tsungreme pa atoktsy aseir pa nung temulung tasen agytsytsy. Matoktetba temenen ka lir. Aji indang sarasademtsy tim, yamae ni mashir. <sup>17</sup> Shire Tsungrem ozyng raksar temenen benshir. Temenen kar toktet aseir temenen kar matoktet.

<sup>18</sup> Shire Tsungrem chir lir temenen lemanng nung majajar. Saka shire takym tasen Tsungrem nunge agir Tsungrem den puteper, aseir Mozinge pa dak makongshitet. <sup>19</sup> Onok Tsungrem chirtym ta metet, aseir ali pur ajak Mozing chirtym lir. <sup>20</sup> Yisu, Tsungrem Chir, onok rongnung aru, aseir atangji Tsungrem Pae onok metetdaktsy. Onok atangji Tsungrem den puteper, kechiasyr onok Tsungrem Chir, Yisu Krista den puteper. Krista atangji Tsungrem lir, aseir teti takym kar. Krista nytsung tasentyme tiyazy tsungrem kymdangang.

---



## YOHANE ZILUBA TANABUBA KAKYT.

Yohan, Krista tenyar, arogo yaribae, iba kakyt tamarenla tetzyr aseir pa kibong asoshi zilur. Ziluba tenyng aseir kibong tenyng iba kakyt nung mezilur, kechiasyr mamangba nisunge parinok rishikangshidaktsytsy aseir tepsetsy sydi. Iba kibong medemer o medemer na meimteptsy ta iba kakyt nung Yohane mepishir, aseir tiyazy sayuba nunge kymzyktsy asoshi pae zilur.

<sup>1</sup> Ni, arogo yaribae, tamarenla tetzyr ka aseir pa kibong iba kakyt zilur. Ni nenok ajak atangji meimer, aseir Krista nytsung ajake nenok meimer. <sup>2</sup> Onoke nenok meimer kechiasyr atangji Krista o aseir Par Tanela onok temulung nung lir, aseir teti yamae alitsy tim. <sup>3</sup> Imlibilim, aochiba aseir tesenyp Tsungrem nunge aseir Yisu Krista, Tebu Techir nunge onok den alitsy, kechiasyr onoke lemanng temeim aseir tajung nung jajar.

<sup>4</sup> Ne chirtym kare Krista ozyng angashinung aseir parinoke onok nung Tsungrem agytsyba ozyng yamae benshinung, ni kanga pelar. <sup>5</sup> Tetzyr, ni nenok asoshi ozyng tasen mezilur. Yisue kechi ozyng alima nung alidang onok dang sayu, iba amato benshiang, ta ni mepishir. Meimtepbpa indang iba ozyng liasy. <sup>6</sup> Onoke Krista ozyng benshidang onoke temeim mapa sayur. Temeim



ozyng nenoke anga, kadang alymle Yisu Krista imscy indang angashi. Temeim temulung age mapa ajak inyakang. <sup>7</sup> Tiyazy sayuba aeiga alima nung lir. Iba tiyazy sayubae Yisu alimae aru ta mamang. Iba nisung tiyazy sayuba aseir tetsung metsy daktsyba lir. <sup>8</sup> Nenoke tiyazy sayuba kymdangang. Onoke nenok kymtetsy asoshi onoke kechi mapa tajung inyaker aji mesamadaktsynyr. Nenoke kymdangrabang idangji nenoke tazangzyk angutsy. <sup>9</sup> Shire Krista sayuba mebenshir Tsungrem mangutsy. Krista imscy benshibae Tsungrem aseir Krista, Tsungrem Chir, angutsy. <sup>10</sup> Tiyazy sayuba nenok dang arurabang iba nisung, Krista tenyar amato, nenok ki nung tagizyk. Nenoke tiyazy sayuba nenok ki nung talidak agytsyrabang aseir temeim Salaam agytsyrabang nenoke pa aseir pa temenen mapa nung atentsy.

<sup>12</sup> Ni nenok dang o aeiga tezilutsy lir, saka ni kakyt nung zilutsy junger ta mebilimer. Ni nenok dange onyr zymbitepsy asoshi. Ni nenok peladaktsytsy ta imlar. <sup>13</sup> Tetzyr, na shimtetba tenyla techire nenok asoshi temeim Salaam yoker.

## YOHANE ZILUBA TASŸMBUBA KAKŸT.

Yohan, Krista tenyar, arogo yaribae, par temeimba temba ka, tenyng age Gaia asoshi iba kakŸt zilur. Yohan pela liasy, kechiasyr Gaiae pei ki nung Krista tenyar agir aseir yaria yok. Saka Yohan kanga jashir kechiasyr arogo nunger ka, Diotrephae arogo nunger lemanng majunge anir aor. Temeim adianu ka, Demetriae iba kakŸt Gaia dange bena ogo.

<sup>1</sup> Ni, arogo yariba ka, ky temeimba temba, Gaia asoshi iba kakŸt zilur. Ni na kanga meimer.

<sup>2</sup> Temeimba, nae ajak nung peladaktsytsy aseir na anema alitsy, ta ni sarasademer. Na tanela anema lir ta ni metet. Na tanela koda lir na temang junger alitsy ta ni imlar. <sup>3</sup> Na nunge aruba adianu na indang kuli agytsy. Nae Krista tenyar yarir aseir nae atangji lemanng nung jajar, ta parinoke ashir. Iba asoshi ni kanga pelar. <sup>4</sup> Kodang Krista nytsung na amato mapa tajung inyaker idangji ni kanga dang pelar.

<sup>5</sup> Temeimba, nae Krista mapa inyaker kechiasyr nae Krista sayutsungiba tenzyker. Nae sayutsungiba kar memetet saka nae parinok yarir. <sup>6</sup> Iba tenyare na mapa tajung indang arogo nunger ajak dang kuli agytsy. Krista yokba sayutsungiba Tsungrem atema nae agizykrabang aseir yarirabang iba tajung alitsy. <sup>7</sup> Krista sayutsungiba imshia imshia jajar. Parinoke Krista atema aseir Krista tenzyktsy asoshi aor. Pari-

noke mamangba pur nunge kecha magir. Anungji parinok ne yariba tenungdaksy lir. <sup>8</sup> Onoke parinok pela age agizyksyla. Anungji onok o parinok na keleme Krista tenyar akymers otsy tajung sayutsy asoshi. <sup>9</sup> Ni (sayutsungiba indang) arogo nunger dang zilu. Diotrephae onok o manganyr. Iba nisunge arogo nunger matsungdang tamarenba tenyng aginyr. <sup>10</sup> Kodang ni arutsy pa temenen mapa bilimdaksydi, kechiasyr pa komama nisung arogo nunger dang ni metetdaksytsy. Temenen o age pae onok tenyng asener. Pae aji dang tali inyaknyr. Pae Krista tenyar magir aseir arogo nungere onok aseir onok o magizyksyla, ta pae ashir. Arogo nunger tenyar agiba arogo nunge pae endok. <sup>11</sup> Temeimba, iba temenen nisung amato nae tebenshi. Mapa tajung inyakang. Shire mapa tajung inyaker pei temulung meyip aseir Tsungrem chir akym. Shire mapa tamajung inyaker pei temulung memeyip aseir Tsungrem memetet. <sup>12</sup> Demetria indang nisung ajake kuli tajung agytsyr. Pae lemanng atangji nung jajar. Ao, asenoke a pa nisung atangji ta kuli agytsydi. Onok kuli atangji lir ta nae metetet.

<sup>13</sup> Ni na asoshi zilutsy o aeiga lir, saka tang kakyt nung ano mezilunyr. <sup>14</sup> Ni yakte nenok den azuruteptsy aseir zymbiteptsy ta ni imlar. Aji tajungba lir. Na nym tesenyp liang. Asenok temba yange na dange temeim Salaam yoker. Nae tembatym tenyng zar parinok nym temeim Salaam agyjang.

## YIHUDAE ZILUBA KAKYT.

Iba kakyt arogo nunger asoshi zilur. Iba nisung-tym, arogo nunger ta azaba, saka atangji masy. Parinok arogo nunger zanyr, saka leman majung nung jajar. Yihudaji, Yakob aseir Krista tenu liasy. Pae iba arogo nunger kymdangdaksytsy asoshi iba kakyt zilu.

<sup>1</sup> Ni, Yihuda, Yisu Krista tenzyker aseir Yakob tenue iba kakyt zilur. Tsungrem ola angashiba nisung, Tsungrem temeimba nisung aseir Krista tenzykba, iba nisung nym temenen nunge sotsy asoshi ni zilur. <sup>2</sup> Tsungreme tesenyp, temeim aseir imlibilim nenok asoshi uludakjang.

<sup>3</sup> Temeimba, onok tekymzyk indang ni kanga dang zilunyandang nenok tenungdaksyba, Krista imscy asoshi merangtsy, ni azongshitsy. Iba Krista imscy aseir tamang atangji Kristae nytsung nung agytsyogo, parinoke aji anyktsy asoshi. <sup>4</sup> Nenok rongnung ashioktsyba meima arur. Iba temenen nisung aseir parinok merenshiba indang tejen Lai nung zilua lir. Iba temenen nisung pei temulung nung ashi, "Ni arogo nunger aseir arogo nunger dang Tsungrem imlibilimba aseir tatokba, aji asoshi ni temenen leman nung jajatsy." Parinoke onok Kymtetba dang manangzyker.

<sup>5</sup> Nenoke Yisu Krista imscy ajak meteta lir, saka

iba ni ziludi, nenok bilimtetdaksytsy asoshi. Aylmle Tsungreme, Miz lima aseir tamajung tsuba teka nunge, Pei shimtetba pur kymzyk. Tesy mamangba nisung Pae samadaksyogo. <sup>6</sup> Reprangang! Kotak tenyar shibae Tsungrem mulung mebenshi aseir pei shimtetba talidak nunge toktsy, Tsungreme parinok merangsen age alen teti amang aseir molomi nung o bendang ny asoshi ayu. <sup>7</sup> Iba kotak tenyare Sidom aseir Gomora imer aseir parinok anasa imti aliba amato menenogo. Parinoke nyktapangta benshinung aseir kanga jabo jarinung Pae samadaksyogo, aseir molomi nung teti kangshidaktsy. Parinok tansytsy lir. <sup>8</sup> Parinok amato iba tiyazy sayuba nyktapangta benshir, aseir im kymzykba o mangashir, aseir Tsungrem Tebu aseir Techir senty twangshi dak atalar. <sup>9</sup> Mikel, kotak tenyar tamarenbae Mozing den zymbitepdang Mosa temang indang pae Mozing dang atalatsy tsybu, saka yamae ashi, "Tsungreme na aretsytsy." <sup>10</sup> Saka iba tiyazy sayubae oset memetetba indang atalar, aseir kechi parinoke shiruru amato meteter iba oset age pei sasa tia majung kymdaktsy. <sup>11</sup> Iba asoshi aiatai, kechiasyr Kain, nisung tepsetba amato parinoke benshir. Parinok Belem Tsungrem ainkar amato lir. Bendanger tsubae Belem dang ashi, "Nae Tsungrem shimtetba nisung dak atakatemdaktsyra-bang ni na nung sen aeiga agytsytsy aseir ni na tamarenba nisung kymdaktsytsy." Iba tiyazy sayuba Kora amato lir. Kechiasyr Kora aseir par medemere



Mosa dak atala Tsungreme ali lapokdaktsy iba nisung me yokdaktsytsy asoshi aseir parinok sya adok. <sup>12</sup> Iba tiyazy sayubae arogo nunger benzong atener, aseir benzong nung alidang parinoke nisung mashilene anishitsy meranger. Iba tiyazy sayubae sensaker nisung nung ziungtsy agytsytsy tim, saka parinoke chitiyongti akymnung pei tepok asungtsy dang bilimer. Tzy makaba mepet mopung age bena aor parinok amato lir. Scongdong tezung matangba kanga dang tasyr, aseir ali nunge atsy teter, yamae tiyazy sayuba lir. <sup>13</sup> Tzy sa tzyim nung temae adokba amato tiyazy sayubae parinok maksy daktsyba mapa sayur. Parinok anung nung nemzya jajaba petinu amato lir. Iba tiyazy sayuba asoshi amang aseir molomi teti renema lir, <sup>14</sup> Myzyng nisung, Adam, nunge putu tenetbuba nisung ka Enoke parinok indang iba o ashi, "Reprangang, Krista tenyar telokti den arutsy." <sup>15</sup> "Pae ajak bendangtsy aseir temenen mapa asoshi temenen nisung dak taei enloktsytsy. Shire Yisu Krista indang temenen o zymbi Pae parinok dak taei agytsytsy. <sup>16</sup> Iba tiyazy sayubae tajung oset indang majung o teti zymbir aseir pei temenen temulunge parinok temenen leman nung anir. Parinoke takar nisung dang o tajung zymbir, kechiasyr parinoke parinok nunge sen aginyr.

<sup>17</sup> Saka temeimba, Yisu Krista nytsung age alvmle zymbiba o bilimtetang. <sup>18</sup> Tatym putu nung mamangba pur, tiyazy sayuba, temenen leman jajaba

nisung arutsy, Krista nytsunge ta ashi. <sup>19</sup> Iba tiyazy sayuba Tsungrem memetetba, kanga majung nisunge, arogo lemsaa raksar. <sup>20</sup> Saka nenok temeimba, nenok Krista nung tamang age pei sasa tashi aetdakjang, Tanela Temeshi aniba age nenok temulung nung teti sarasademang. <sup>21</sup> Tsungrem meimang aseir nenoke teti takym angutsy asoshi Yisu Krista imlibilim ata liang. <sup>22</sup> Nenoke ajitakba nisung den zymbitepdang pa temulung meyipdakjang. <sup>23</sup> Molomie aniba temenen leman nunge nenoke tangar nisung sota liang, mi nunge atsytetba scong amato. Temenen nisung kar dak imlibilimang saka parinok temenen tashidak kymdangang, aseir parinok kongshiba age menentsyba scy sempang. <sup>24</sup> Tsungreme nenok temeshi aseir kanga tepela kymdaktsytet. Iba ka dang atangji Tsungreme temenen ajak nunge nenok sotet, aseir Pa senty twangshi madange nenok anir arudaktsytet. <sup>25</sup> Tang Tsungrem Tebu Yisu Krista age onok Kymtetba nym im, ainker, senty twangshi, ya ajak teti syang. Alima meyangludang yamae liasy, aseir tang lir aseir teti alitsy.

PRINTED BY D. N. BANERJEE,  
at the BANERJEE PRESS, 59, Pataldanga Street, Calcutta.

LIBRARY OF THE  
Massachusetts  
Bible Society

Catalog No. I. 132 B. 1 / JPJ 1914

Family INDO-CHINESE

Sub-Family TIBETO-BURMAN

Branch ASSAM-BURMESE

Group NAGA — Central Subgroup

Language AOR'U

Dialect 94°30' E - 26°30' N.

Locality Naga Hills, Assam

Contents James, Peter 1 & 2, John 1, 2, 3,

Version 1st Edition Jude

Translator

Published by BFB

Place Calcutta

Date 1914

Accession No. 767

Accession Date Sept. 1, 1931

Price . 05